

(中華郵局特准掛號立券為新聞紙類)

中華民國十五年六月九日

第三百三十四期

膠澳商埠局秘書處機要股發行 公報

本報價目

每週兩期每期一角

全 年 八 角
外埠每月加郵費四分

電 話 本 局 分 機 第 五 號

膠澳商埠局秘書處機要股發行

命令錄

膠澳商埠局公函第四七二號
膠澳商埠局公函第四七五號
膠澳商埠局咨第一〇號

膠澳商埠局訓令第五一一號
膠澳商埠局訓令第五一二號
膠澳商埠局訓令第五一九號
膠澳商埠局訓令第五二〇號
膠澳商埠局訓令第五二五號
膠澳商埠局指令第一三六四號
膠澳商埠局指令第一三六四號
膠澳商埠局指令第一三六八號

公牘

膠澳商埠局呈第一四三號
膠澳商埠局呈第一四四號

膠澳商埠局公函第四六四號
膠澳商埠局公函第四五六號
膠澳商埠局公函第四六七號
膠澳商埠局公函第四六八號
膠澳商埠局公函第四七〇號

批示

膠澳商埠局批第四〇八號
膠澳商埠局批第四〇九號
膠澳商埠局批第四一〇號
膠澳商埠局批第四四二號
膠澳商埠局批第四四三號
膠澳商埠局批第四四四號
膠澳商埠局批第四四五號
膠澳商埠局批第四四六號
膠澳商埠局批第四四七號
膠澳商埠局批第四四八號

專載

膠澳特別市教育局指令第六五七號
膠澳特別市教育呈第三四六號

青島地方審判廳刑事判決
膠澳商埠局便函

▲命令▼

膠澳商埠局訓令 第五五一號

令港政局

爲訓令事查日人松尾富吉等在港內違禁捕魚一案迭據該局呈報查復均經函向日領交涉取締在案茲准駐青日總領事第一三八號公函內開逕啓者本月十七日接准貴署第四二九號函開案據港政局呈稱本月十日午後十時左右有日人松尾富吉等在小港內用小船兩艘捕魚唯該港內係禁漁區域故將該人等所用船櫓三把漁線一副由職局沒收焚燬并將雇用之中國人送交警廳嚴重處罰埋合呈請鑒核轉函日領此後對於日人在港內捕魚應予取締以維港政而重國權等情相應函請查照辦理等因均經閱悉查來函所稱各節與本館所調查者大有徑庭之處（一）依據貴函所開此案發生時刻雖爲午後十時而其實午後六時在未掌燈以前（二）捕魚地點並非如來函所開之小港港內乃在港外水產填埋之地及三日月溫泉附近地方蓋察其船櫓係在三日月溫泉港澳被港政局沒收故該人等因駁船無櫓始用簷板駁到溫泉附近登陸此毫無疑義之事今竟藉不符事實之理由拘束敵國人之自由并沒收其所有之財產本館殊爲遺憾抑亦絕難承認者也且貴署對於本案之處置（一）應請詳查本案發生之時日及地點俾明責任之所在（二）設如貴署來函所開該人等縱係冒犯禁漁區域（實際并無此種事實已如前述）貴署應將犯罪人及罪犯物件迅行引渡所屬國官聽此乃貴國條約所規定卽本館從來亦係本此方針實行在案今貴署擅行焚燬前記船櫓及漁線究係根據何種理由（三）再本案作爲違法行爲扣留其人及船具全部之時固可當作別論然在海上僅沒收其船櫓使該船陷於不能航行此種辦法殊屬不合而其用意亦難索解倘海陸頗知悉港政局前記處置之理由并對於違反條約所焚燬之船櫓及漁線亦請予以相當之賠償實級公誼等因准此詳譯來函質問各點核與該局前此呈復各節不無出人事關外交處處均應審慎合再令仰該

局遵照迅卽按照來函質問各點明白解釋逐一詳查核議呈復以憑轉復日領毋稍忽延此令

中華民國十五年五月三十一日

膠澳商埠局訓令 第五一一號

令 警 察 廳
農林事務所

爲訓令事案准駐青日總領事館函開頃據本館館員報告本月十八日午前十時左右發見貴國人三名撞入霞關路本館保留地內盜掘松樹當卽通知貴國警察署第二分駐所與胡巡長同到當場調查盜伐情形旋經該人等出示貴署農林事務所所發給辛成倫名義之採伐許可證但該許可證所指定之採伐地點係黃台路今乃超越鐵柵侵入地點不同之本館保留地內採掘樹木殊屬不法此顯係該人等假借許可證在指定以外之地方竊圖盜伐當卽帶往第二分駐所引渡於蔡巡官請其調查真相矣再查近時在該保留地內常有盜伐樹木情事（其盜伐時概用木鋸不常使用手斧規模頗大）本館所受損害誠屬不資甚至往年貴署與本館館員會同前往勘定該地境界時所安置鐵柵上之鐵條被竊之處亦復不少卽立柵所用之木柱皆被拔棄數十根長此置而不問受害程度必至逐日增加其結果恐所有鐵柵及樹木均不能保存相應函達查照卽希迅予嚴重取締至紓公誼等因准此查所稱中國人三名越界侵入霞關路日領館保留地內採掘松樹一節如果屬實應由該警察廳會同該農林事務所查明情形依法辦理具報備案嗣後對於該保留地內之樹株鐵柵等物務須嚴加保護不得再有盜伐損毀情事以重法紀而睦邦交除函復并分令警 察 廳 外合行令仰該廳轉飭所屬遵照辦理毋違切切此令

中華民國十五年五月三十一日

膠澳商埠局訓令 第五一四號

令 警 察 廳
農林事務所

爲訓令事案奉

山東省長公署第二二五〇號訓令內開准

山東保安總司令部咨開頃准

直魯聯軍 褚 張 總司令行營佳會電開頃奉吳玉帥魚電茲查各處時有發現假借收集第三師舊部名義招兵或收編土匪情事殊屬目無軍紀希通飭所屬部隊查照凡有該項招兵人犯一律就地正法等因特此電達各部如查有上項情事即行就地正法以肅軍紀爲要等因准此除分別咨行外相應咨請查照並轉飭所屬一體遵照爲荷等因准此除分令外合行令仰該總辦卽便轉飭所屬一體遵照等因奉此除分令外合行令仰該 處 卽便 遵照此令

中華民國十五年五月三十一日

膠澳商埠局訓令 第五二九號

爲訓令事頃准

山東省銀行駐青辦事處函開敵行山東字樣鈔票自歸濟南兌現之後青島方面因無庸存儲準備金之必要今日晚車擬派行員趙琮田將陸續備存現洋十萬元押運回濟誠恐沿途關卡有盤詰阻留情事懇請貴局核給運洋護照一紙並請轉飭警察廳選派警察二名自備乘車免票幫同押運以資捍衛等因准此除填給護照外合行令發青濟往返三等乘車免票各二張仰該廳迅派警察二名幫同押運可也此令
附發乘車免票四張

中華民國十五年六月一日

膠澳商埠局訓令 第五二〇號

令 港 政 局

爲訓令事案據日商山東火柴工廠矢合秀勝呈稱爲言明事竊商茲爲製造硫化燐起見由日本輸入左開黃燐副係專用製造硫化燐之材料決不使用直接製造火柴材料及向外轉賣特茲聲明不誤等情并附駐青日本領事館蓋印證明聲明書一紙到局據此查該日商所運黃燐既據聲明用途正確又經日本領事館蓋印證明自應准予通過以便製造除批示外合行令仰該局遵照於該項黃燐到埠時卽予查明驗放可也此令

中華民國十五年六月二日

膠澳商埠局訓令 第五二四號

令 警 察 廳

爲訓令事頃准

山東海防總司令部公函總字第三號內開案據膠澳漁會會長盛思增呈稱爲呈報開征日期並請通飭行政官署暨警察廳認真保護仰乞鑒核事竊職會前奉鈞部第四號訓令內開爲令行事案查山東漁航總局局長高彥墀正在查辦期間該總局及所屬各分局一切苛征應即一律停止另由本部於青島組織山東沿海漁航整理處辦理各項漁航事務所有膠澳及膠縣全境漁航船捐征收事宜暫委該會遵照整理處征收章程辦理除分令該縣知事知照外合行令仰該會遵照此令等因奉此遵卽依照規定細則附組代征處已於五月二十日開始征收惟查經徵稅款關係綦重非由各行政警察官廳隨時切實保護礙難克臻完善理合懇請鈞座通令膠澳商埠局警察廳膠縣公署轉飭所屬員警對於職會徵收事務認真保護以利進行實爲公便等情具報前來據此除令悉并分令各機關切實保護外相應函請貴局轉飭所屬對於漁會代徵事務加以保護俾利進行是爲厚幸等因准此除函復外合亟令仰該廳卽便遵照辦理可也此令

中華民國十五年六月三日

膠澳商埠局訓令 第五一五號

令 警 察 廳

爲訓令事頃據報告查有俄國浪人在山東路地面開設咖啡店爲名實與娼寮無異常有美兵在彼處酒醉滋鬧門前圍繞多人任意喧嘩該處爲繁盛街道觀瞻所繫尤恐滋生事端合亟令仰該廳遵照迅飭該管區署設法禁止並通知該俄國店主嚴加取締以保公安仍將違辦情形具報查收毋違切切此令
中華民國十五年六月三日

膠澳商埠局指令 第一三六四號

令 胡 豐 義

呈一件 呈復遵查衛生事務所馬匹倒斃情形請核由
中華民國十五年五月三十一日

膠澳商埠局指令 第一三六四號

令衛生事務所

呈一件 呈報倒斃青馬二匹請准予鑒核備案由

呈悉准予備案此令

中華民國十五年五月三十一日

膠澳商埠局指令 第一三六八號

令 港 政 局

呈一件 呈報於日商貨物內查獲夾帶槍彈請賜交涉由

據呈於日商水菓箱內查獲槍彈情形已悉查近來日人私販軍火之案迭有發生苟非盤查得力其遺害地方實非淺鮮此次奧田商店於進口水菓箱內竟敢夾帶槍彈彈夾等件若不交涉從嚴懲究其何以杜絕將來除函日領嚴重交涉外所有該商夾帶禁品之木箱二個准予沒收其查無禁品之水菓等應行發還仰即

遵照此令

中華民國十五年五月三十一日

▲公文▼

膠澳商埠局呈 第一四三號

呈爲呈復事五月三十一日案奉

鈞署訓令第二三三二一號內開爲訓令事前以本省自去年迄今春慘罹兵災水患各縣人民蕩析流離急待賑卹當經召集軍政紳商各界共同會議設立災民救濟會籌畫進行在案茲特規定政界攤賑辦法四條除由省庫籌撥賑款並由軍隊紳商分別捐助並分行外合行令仰該局卽便遵照辦理並轉飭所屬照繳彙送該會核收仍報本公署查收事關急賑災區旣廣災民尤多實爲本省數十年所僅見凡我寅僚其各本見義勇爲之心收衆擎易舉之效並應由該管官長督飭所屬如期趕辦切切此令等因計發辦法一紙奉此除違令辦理外一俟集有成數違卽彙案匯交災民救濟會查收合將違辦情形具文呈復仰祈
鑒核謹呈

代理山東省長林

中華民國十五年六月三日

膠澳商埠局呈 第一四四號

呈爲呈復事案奉

鈞署第二二七九號訓令內開案准
保安總司令部咨開頃准

奉直魯聯軍

張 總司令行營庚會電開年前以各處股匪力求投誠曾經特准擇優招撫以示激勸乃詎知野

馬成性不上可訓致每經招撫之後徐徐惡念復生所過莊村爲之騷擾一空在我可以優遇而彼竟不知悛改此等敗類何堪容納自電示之後無論其爲紅會或爲土匪概須嚴禁招撫俾免爲害地方務各切實遵照是爲至要等因准此除分別咨行外相應咨請查照希卽飭屬一體遵照等因准此除分行外合行令仰該總辦轉飭所屬一體遵照等因奉此除分令所屬一體遵照外理合備文呈復伏乞

鑒核謹呈

代理山東省長林

中華民國十五年六月四日

▲公牘▼

膠澳商埠局公函 第四六四號

逕啓者卷查本埠近月以來查有

貴國商人販運槍枝子彈之事屢見迭出均已獲犯送請

貴領事依法懲處有案頃據港政局呈報又於太山丸卸下市場路奧田商店運入水菓箱內查獲槍彈二百粒彈夾二十個等情前來似此源源販運希圖漁利實於地方治安諸多妨害若不預爲嚴杜其何以除隱患而保公安相應函請

貴領事立傳該商到案從嚴究辦並煩查照十二年

貴館第五四四號公函前案警告密輸各港口地方官憲嚴重取締以敦邦交是爲至盼此數
駐青日本總領事

中華民國十五年五月三十一日

膠澳商埠局公函 第四六五號

逕復者頃准

大函以有中國人三名持有辛成倫名義之採伐許可證越界侵入霞關路貴館保留地內採掘松樹已由警察第二分駐所將該人等帶所查辦并囑對於此類行爲嚴重取締俾免損失等因准此除分令警察廳農林事務所會同查明依法辦理并飭嗣後嚴加保護外相應函復即希

查照是荷此致

駐青日本總領事館

中華民國十五年五月三十一日

膠澳商埠局公函 第四六七號

逕復者頃准

貴領事本月二十五日來函以前財政局設立何時其所發憑照至何年月底止該局亦係本埠官廳何以與他官廳發出憑照不能一律免驗囑即查復等因查前財政局成立於民國十二年三月一日至十三年五月一日歸併前督辦公署所有發出憑照即在該年四月末日截止至其必須查驗理由因該局於清理官地之時按照魯案中日細目協定及實施狀況臨時製發審查證憑照多種至不齊一迨經改組名義變更故本局擬予一律查驗換給新照對外期昭商民之信守對內藉圖格式之劃一准函前因相應奉復即希

查照為荷此致

美國駐青領事道爾清

中華民國十五年六月一日

膠澳商埠局公函 第四六八號

逕復者頃准

來牘以奉令按照三七征解軍用票一案囑為查照等因查此案業經

山東保安總司令部
長公署訓令通行在案自應遵照辦理茲准前因相應函復即希

查照爲荷此致

青島印花稅辦事處

中華民國十五年六月一日

膠澳商埠局公函 第四七〇號

逕復者頃准

貴處函開敝行山東字樣鈔票自歸濟南兌現之後青島方面固無庸存儲準備金之必要今日晚車擬派行員趙琮田將陸續備存現洋十萬元押運回濟誠恐沿途關卡有盤詰阻留情事懇請貴局核給運洋護照一紙並請轉飭警察廳派警察二名自備乘車免票幫同押運以資捍衛等因准此除令警察廳派警二名隨帶青濟往返三等乘車免票各二張幫同押運外相應填發護照一張隨函附送即希

查收備用可也此致

山東省銀行駐青辦事處

附護照一張

中華民國十五年六月二日

膠澳商埠局公函 第四七二號

逕復者頃准

貴領事來函以浸信教會減租一案仍於上月十九日函述情由未蒙諒解致勞簡札往返稽時本局深爲遺憾查

貴國教會承租本埠官地并不受何等限制必須減租前以陶吉利于爲大二戶核予減收二分之一已爲曲盡友誼其亞細大歐木拉成維鈞等三戶最初據毛爾根聲稱爲女校地址經本局查出不符情形乃改爲職員宿舍前後矛盾案情委曲究竟現在是否真爲職員宿舍証之前案殊未敢必即使退一步假定承認之如

貴領事所下定義凡教會職員宿舍因其與佈道有關得予酌減租金則既隸身教會之中何人而不與佈道有關其所居房舍又何處而不可以減租似此漫無限制影響國課循名責實斷難核准

貴領事又援引中美協定條文謂教會依其發展佈道之需要得建築一切房屋並未限定非教堂學校不可而亞細大等之房屋即有上項需要情形應予減租等語亦似近誤會該教會租得官地之後本局并未禁止其修建一切房屋但房屋用途是否合於減租限度其審查之權屬諸本局既非該項條約所能限制更非泛言與佈道有關所能取得即如浸信教會所建房屋或以出賃外人或以雜居他戶何嘗專為發展佈道而設更何嘗盡有傳教需要關係就從前種種經過本局對於毛爾根此次所陳各節在未有相當之明白施設以前僅以職員宿舍為名要求減租實難予以何等之考慮至陶吉利等二戶已繳租金

貴領事謂於上年十二月十四日曾代為呈請應自呈請之日起減納租金等語查呈請手續屬於人民之一種願望不經官廳核准並不發生效力其理至為明顯乃

貴領事於該戶呈請之日即欲其兼有核准之功能似於程序界限不無顛倒本局仍未便予以承認相應奉復統希

美 國 駐 青 領 事 道 爾 清

中 華 民 國 十 五 年 六 月 三 日

膠 澳 商 埠 局 公 函 第 四 七 五 號

逕 復 者 頃 准

貴總司令部函開案據膠澳漁會會長盛忠增呈稱為呈報開征日期並請通飭行政官署暨警察廳認真保護仰乞鑒核事竊職會前奉鈞部第四號訓令內開為令行事案查山東漁航總局局長尚彤墀正在查辦期間該總局及所屬各分局一切苛征應即一律停止另由本部於青島組織山東沿海漁航整理處辦理各項

漁航事務所有膠澳及膠縣全境漁航船捐征收事宜暫委該會遵照整理處征收章程辦理除分令該縣知事知照外合行令仰該會遵照此令等因奉此令即依照規定細則附組代征處已於五月二十日開始征收惟查經征稅款關係綦重非由各行政警察官廳隨時切實保護礙難克臻完善理合懇請鈞座通令膠澳商埠局警察廳膠縣公署轉飭所屬員警對於職會征收事務認真保護以利進行實爲公便等情具報前來據此除令悉并分令各機關切實保護外相應函請

費局轉飭所屬對於漁會代征事務加以保護俾利進行是爲厚幸等因准此除飭屬切實保護外相應函復卽希

查照爲荷此致

山東海防總司令部

中華民國十五年六月三日

膠澳商埠局咨字 第一〇號

貴廳咨開奉
爲咨復事案准

教育部指令第二五八號以據本廳呈轉膠澳私立文德女子中學員生表一案內開呈表均悉查該校新生夏福珍等八名插班生高秀儒等三名資格成績均符應准備案惟算學理科教員候維藩係齊魯大學文科畢業於算學理科能否勝任又國文歷史教員韓秀文係中學畢業徐本謙張益芳均係前清生員單級畢業資格不甚相合應切實考察如教授未能合法應卽量爲更換以重學業餘存查仰卽轉令遵照此令等因奉此相應咨行貴局轉飭遵照等因正核辦間又准

咨開奉

教育部指令第二七七號以據本廳呈送膠澳商埠私立文德女子中學員生表一案內開呈表均悉查該校

初中一年級生張瑞蓮等二十名插班生朱章琅等五名補報舊生全仲玉等二名資格均合應准備案惟職教員表內教員徐本謙張益芳侯維藩韓秀文等四名因資格不合前經令飭考察在案教員張毓峻一名僅在單級教員養成所畢業並應隨時考察如不勝任應即另行延聘專門人員充任餘均准備案仰即轉令遵照此令等因奉此相應咨行貴局轉飭遵照等因先後准此當經令飭膠澳特別市教育局轉飭該校遵照併案晉明具復去後茲據該局呈據該校呈稱查本校教員侯維藩係齊魯大學文理科畢業原表遺寫理字該員教授理化算學任當其才綽有餘裕教員徐本謙張益芳資格雖有未合而其經歷俱深緣徐教員家學淵源文史兩科根底深邃且該教員前在膠籍興辦教育研究會務兼充該縣教育週報編輯主任數年之久對於各種教學新法研究極有心得嗣任坤英中學及愛德女校師範科教授以資實驗自來職校擔任教務本係駕輕就熟故此六載之間屢經察其教授實況講解周詳啓迪多方尤能觸類引伸輔教科書之所不及承教各生進步甚速該教員成績優良班班可考今春添聘國立高師畢業孔繁鐸與該教員分授中學國文歷史兩科均稱得力張教員係膠縣宿儒品端學粹前在該縣男女高小學校擔任教務多歷年所今來職校已及四載教授有方循循善誘學生受益甚鉅且係專教高小學科尤堪勝任教員韓秀文張毓峻業於去冬辭退且韓秀文原係專授小學課業今春另延高中畢業于美霞教授高小理算等科亦能稱職其他原聘各科教員咸仍舊職合併陳明子清雖學有年夙秉實事求是之宗旨凡所聘用教員非但教授克勝其任且皆熱心義務之人校務前途俱深倚畀謹將考察教員暨現在用人實情據實呈復伏乞鑒核轉呈等情據此查該校教員侯維藩原係齊魯大學文理科畢業教員徐本謙所任課程亦已添聘國立高師畢業生孔繁鐸分任教員張益芳又係擔任高小學科其餘教員韓秀文張毓峻二員均於去冬辭退各節原呈聲敘情形核無不合除指令外理合據情轉呈伏乞鑒核俯准轉咨
山東教育廳轉呈備案實爲公便等情據此敝局復核無異除指令外相應咨復
貴廳查照轉呈備案爲荷此咨

山東教育廳

中華民國十五年六月四日

▲批示▼

膠澳商埠局批 第四〇八號

批原具呈人鈴木格三郎

據呈已悉應准備案此批
呈一件 呈報在濟陽路改築平房關工日期請備案由
據呈已悉應准備案此批

中華民國十五年五月 日

膠澳商埠局批 第四〇九號

批原具呈人焦景漢

呈一件 呈報在觀城路增築樓房開工日期請備案由
據呈已悉應准備案此批

中華民國十五年五月二十日

膠澳商埠局批 第四一〇號

批原具呈人上野新十管理人鈴木格三郎

呈一件 呈報在奉天路增築平房開工日期請備案由

據呈已悉應准備案此批

中華民國十五年五月二十日

膠澳商埠局批 第四四一號

具呈人裕東貿易公司經理余青圃

呈一件 呈為運輸現洋三萬元赴石臼所購買土產請發護照由

呈悉所請運往石臼所現洋三萬元既未越出山東省界應准填給護照一張限六月三十日以前繳銷仰即來局具領一俟運輸完竣應取具

該處關卡證明連同護照如限繳銷以憑查收併仰遵照此批
中華民國十五年五月三十一日

膠澳商埠局批 第四四一二號

具呈人裕東貿易公司經理余青圃

呈一件 呈繳前領運洋護照一張請核銷由
呈暨護照均悉准予塗銷仰卽知照此批

中華民國十五年五月三十一日

膠澳商埠局批 第四四三號

具呈人匯通當經理石維堯

呈一件 呈爲營業虧賠懇請准予歇業由
呈悉所請歇業一節應予照准惟按照本埠典當業管理規則第十八條第二項之規定應自核准歇業之日起以六個月爲取贖期間並由該當商登報廣告俾衆週知但在此取贖期間內不得有收受典當物品及延壓情事仰卽遵照辦理以符定章茲特頒給佈告一張併仰來局具領張貼該當店門首可也此批

中華民國十五年 月 日

膠澳商埠局批 第四四四號

具呈人青島畜產同業公會總董王積中

呈一件 呈請查閱德祥公商號註冊案內所送保結由

呈暨查閱費三角均悉查本局商號註冊簿並無德祥公一家所請查閱該商號所送保結一節無從核辦合將所繳查閱費三角發還仰卽來局具領可也此批

中華民國十五年五月二十一日

膠澳商埠局批 第四四五號

具呈人官起震

呈一件 呈爲繳地稅收據報紙請查案補發地契由

呈暨收據報紙均悉所請補發直隸路私有地契等情尚無不合應予照准仰候查案填竣繳費具領可也此批附件分別存還

中華民國十五年六月一日

膠澳商埠局批 第四四六號

具呈人孔憲倬

呈一件 呈請准予續租德盛町東側官有農地由
呈暨圖書均悉所請各節尙屬可行應准續租以利民生但何時有人承領建房即隨時照章收回並不得要求有任何賠償仰候隨同派員丈
量清楚填繪圖照遵繳地租照費來局具領可也此批原圖書存銷

中華民國十五年六月一日

膠澳商埠局批 第四四七號

具呈人小山太之助

呈一件 呈請領租鄧平路吉林路角官地建築房屋由

呈圖均悉所請領租地點尙無不合應予照准仰候定期測丈填妥憑照遵繳地租照費來局領取可也此批圖存

中華民國十五年六月一日

膠澳商埠局批 第四四八號

具呈人閻進福

呈一件 呈請准予續租德盛町東側官有農地由

呈暨圖書均悉所請各節尙屬可行應准續租以利民生但何時有人承領建房即隨時照章收回並不得要求有任何賠償仰候隨同派員丈
量清楚填繪圖照遵繳地租照費來局具領可也此批原圖書存銷

中華民國十五年六月一日

▲專載▼

膠澳特別市教育局指令 第六五七號

令公立九水兩級小學校

呈一件 請取締私塾由

據呈已悉仰候呈請

商埠局令飭警察廳轉飭該管區署分駐所派員查明照章嚴行取緝可也此令

中華民國十五年五月十一日

膠澳特別市教育局呈 第三四六號

爲呈請事據公立法海寺初級小學呈稱呈爲私塾依然存在請准轉飭警察廳取緝事稱查少山廟村有私塾一處學生十六人塾師賈作美張家園子有私塾一處學生十五人塾師樊守元南圈村有私塾一處學生十三人塾董劉昇璉馬家台有私塾一處學生十二人塾師馬潤德西小水村有私塾三處學生共五十四人塾師王經鑑秦作楨劉俊世以上七塾均在職校附近一二里內去年八月間職會一再呈飭

膠澳商埠局飭警廳取緝在案詎各該私塾不服制止迄今依然存在實有碍學務之進行爲此連合呈請

鈞局核轉

膠澳商埠局飭令警廳轉飭該管區署分駐所嚴行取緝以維學務等情據此查取緝私塾迭經前督辦公署令飭警察廳轉飭各該管區署分駐所遵照辦理在案茲據呈稱少山前村等處有七處私塾之多均在該校附近一二里內殊於學校教育大有窒礙自應嚴行取緝以維學務

除指令外理合備文呈請
鑒核俯准令飭警察廳轉飭該管區署分駐所查明嚴行取緝并懲
指令祗遵實爲公便謹呈

膠澳商埠局總辦趙

中華民國十五年五月十一日

△附 件 ▽

青島地方審判廳刑事判決

一件

于希水于希浦竊盜一案

主

文

于希水于希浦共同竊盜一罪各處拘役三十日宋決綁押一日准以二日抵拘役一日

中華民國十五年五月三十一日

一件 判決傅維節傷害一案

主

文

傅維節因過失致人輕微傷害一罪處罰金伍元未決綁押日數准以二日抵罰金一元罰金如無力完納並准以一元折算一日易以監禁

中華民國十五年五月二十九日

一件 判決梁永松等與張王氏等清算賬目一案

主 文

張王氏應與原告共同清算公記號營業賬目

原告對於張憲遂之訴駁斥

訴訟費用由原告與張王氏平均分擔

上開第一項判決應予假執行

中華民國十五年五月二十九日

一件 判決原告李光泰與姜雲舫股款涉訟一案

主 文

被告應償還原告洋七百三十九元七角二分陸厘並自起訴之日起至執行終了日止按月一分五厘之利息

原告其餘之訴駁斥

中華民國十五年五月二十九日

一件 判決被告宮子明行使偽造貨幣一案

主 文

宮子明行使偽造通用貨幣未遂一罪處肆等有期徒刑一年褫奪入軍籍之資格十年承決羈押日數准以二日抵徒刑一日
偽幣八張計八十元沒收

訴訟費用由被告負擔

中華民國十五年五月三十日

一件 判決陳永奎傷害一案

主 文

陳永奎因玩忽業務上必要之注意致人傷害處罰金拾五元未決期內羈押日數准二日抵罰金一元如無力完納罰金准以一元折算

一日易以監禁

中華民國十五年五月三十一日

一件 判決馬牙約色裴恩氏與馬牙奧古斯提請求扶養費一案

主 文

被告應給付原告洋九十元

原告其餘之訴駁斥

訴訟費用原告負担五分之肆被告負担五分之一本判決應予假執行

中華民國十五年五月三十一日

一件 判決丁可贊傷害一案

主 文

丁可贊致人輕微傷害處五等有期徒刑二月緩刑三年

中華民國十五年五月三十一日

一件 判決劉延義與楊有進等爲撤銷婚約涉訟一案

主 文

原告爲其女順媛與楊有進所定之婚約應准撤銷

原告對王中堯牛登慶之訴駁斥

訴訟費用由楊有進負擔

中華民國十五年五月三十一日

一件 判決王其山竊盜一案

主 文

王其山竊盜處五等有期徒刑五月褫奪入軍籍之資格五年未決羈押日數准以二日抵徒刑一日

中華民國十五年六月四日

膠澳商埠局便函 六月三日

逕啓者茲將敝局本年五月三十日以前辦結不動產移轉證明案件列表一紙送請

查照爲荷此致

青島地方審判廳

附不動產所有權移轉證明表一紙